



Na osnovu člana 46. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), člana 14. Zakona o poticaju razvoja male privrede Unsko-sanskog kantona („Službeni glasnik Unsko-sanskog kantona“, broj 5/26) i Programa poticaja razvoja male privrede za 2026. godinu, broj: 03-02-44-589/2026 od 6.5.2026. godine Ministarstvo privrede objavljuje:

JAVNI POZIV

**za odabir korisnika sredstava po Programu poticaja razvoja male privrede za 2026 . godinu
„Jačanje konkurentnosti subjekata male privrede – pravnih lica“**

I. PREDMET JAVNOG POZIVA

Predmet ovog Javnog poziva je prikupljanje prijave za odabir korisnika sredstava po Programu poticaja razvoja male privrede za 2026. godinu „Jačanje konkurentnosti subjekata male privrede – pravnih lica“, u svrhu **sufinansiranja prihvatljivih troškova** subjekata male privrede – pravnih lica, definisanih Zakonom o poticaju razvoja male privrede, u skladu sa uslovima i namjenom utvrđenim ovim Javnim pozivom.

II. PRAVO UČEŠĆA

Pravo učešća imaju subjekti male privrede – **pravna lica** (društvo sa ograničenom odgovornošću) **ili poslovne jedinice** (u slučaju da pravno lice aplicira putem poslovne jedinice), koji su registrovani najkasnije do 31.12.2025. godine, posluju u skladu sa Zakonom o privrednim društvima („Službene novine Federacije BiH“, broj: 81/15 i 75/21), obavljaju proizvodnu, proizvodno-uslužnu i uslužnu djelatnost, **unutar određenih područja** Klasifikacije djelatnosti KD BiH 2010 **na dan 31.12.2025. godine.**

Pravo učešća nemaju subjekti male privrede koji su bili korisnici sredstava po Programu u prethodne tri godine, i to u periodu **od 2023. do 2025. godine.**

Ograničenja iz prethodnog stava ne odnosi se na subjekte male privrede iz područja C-Prerađivačka industrija, za koje se dodjeljuju poticajna sredstva.

III. USLOVI ZA DODJELU SREDSTAVA

Pravo na dodjelu poticajnih sredstava ostvaruju subjekti male privrede koji ispunjavaju sljedeće uslove:

- da na osnovu Obavještenja o razvrstavanju poslovnog subjekta prema klasifikaciji djelatnosti Zavoda za statistiku Federacije BiH obavljaju registrovanu djelatnost koja prema Klasifikaciji djelatnosti KD BiH 2010 („Službeni glasnik BiH“, broj: 47/10) pripada jednoj od djelatnosti navedenih u tabeli iz ovog člana, te da su istu imali **registrovanu kao pretežnu djelatnost na dan 31.12.2025. godine:**

RB	Područje	Oblast /grana/ razred	Djelatnosti za koje se dodjeljuju poticajna sredstva	Djelatnosti za koje se ne dodjeljuju poticajna sredstva
----	----------	-----------------------	--	---

1.	C	10-33	Prerađivačka industrija	C-10.71, C-11.01, C-11.02, C-11.03, C-11.04, C-11.05, C-11.06, C-12, C-19, C-20, C-21, C-25.4, C-30
2.	J	62.01	Računarsko programiranje	—
3.	M	69.20	Računovodstvene, knjigovodstvene i revizijske djelatnosti; porezno savjetovanje	—
4.	M	71.12	Inženjerske djelatnosti i s njima povezano tehničko savjetovanje	—
5.	M	74.10	Specijalizirane dizajnerske djelatnosti	—
6.	P	85:53	Djelatnosti vozačkih škola	—
7.	S	95	Popravak računara i predmeta za ličnu upotrebu i domaćinstvo	—

- b) da su registrovani najkasnije do 31.12.2025. godine, da imaju 100% učešće privatnog kapitala i da im je sjedište na području Kantona.
Za pravno lice sjedište mora biti registrovano na području Kantona, a za poslovnu jedinicu (u slučaju da pravno lice aplicira putem poslovne jedinice) ista mora obavljati djelatnost na području Kantona i realizovati projekat i sredstva u okviru poslovne jedinice;
- c) da su ostvarili pozitivno poslovanje u 2025. godini;
- d) da imaju najmanje dva (2) zaposlenika na neodređeno vrijeme zaključno sa danom objavljivanja Javnog poziva – za osnovni poslovni subjekt, odnosno najmanje dva (2) zaposlenika kada apliciraju putem poslovne jedinice;
- e) da osiguraju vlastito učešće u ukupnoj vrijednosti projekta u iznosu od najmanje **40%**, **osim za oblasti:** 62.01–Računarsko programiranje, 69.20 – Računovodstvene, knjigovodstvene i revizijske djelatnosti; porezno savjetovanje, 71.12 – Inženjerske djelatnosti i s njima povezano tehničko savjetovanje, 74.10 – Specijaliziranje dizajnerske djelatnosti, 85.53 – Djelatnosti vozačkih škola i 95 – Popravak računara i predmeta za ličnu upotrebu i domaćinstvo, za koju je podnosilac prijave dužan osigurati vlastito učešće u ukupnoj vrijednosti projekta u iznosu od najmanje **20%**;
- f) da uredno izmiruju direktne poreze, i to: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale propisane naknade i takse (podnosioci prijave koji imaju zaključen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektno poreze i druge indirektno dadžbine, ukoliko su u sistemu poreza na dodatu vrijednost (PDV);
- h) da protiv njih nije pokrenut niti okončan postupak stečaja, likvidacije ili postupak gašenja, obustave ili ograničenja poslovne aktivnosti;
- i) da se protiv lica ovlaštenog za zastupanje ne vodi krivični postupak, niti je pravosnažno osuđeno za prekršaj i/ili krivično djelo organiziranog kriminala, korupcije, prevare ili pranja novca u skladu sa važećim propisima u Bosni i Hercegovini;
- j) da su opravdali sredstva dodijeljena po programima Ministarstva privrede (u daljnjem tekstu: Ministarstvo) te izvršili obavezu utvrđenu članom 48. stav (8) Programa;
- k) da su uskladili šifre djelatnosti sa Klasifikacijom djelatnosti KD BiH 2010, u suprotnom će biti oduzeti i neće biti predmet daljeg razmatranja. Izbor korisnika vrši se isključivo na osnovu šifre djelatnosti iz Obavještenja o razvrstavanju poslovnog subjekta prema djelatnosti, koje izdaje Zavod za statistiku Federacije BiH, a koju je **podnosilac prijave imao kao šifru pretežne djelatnosti na dan 31.12.2025. godine.**

IV. SREDSTVA ZA IMPLEMENTACIJU

Sredstva za implementaciju ove mjere obezbjeđena su u Budžetu Unsko-sanskog kantona za 2026. godinu, budžetski korisnik Ministarstvo privrede, na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **2.000.000,00 KM**.

Minimalan iznos sredstava koji se može dodijeliti pravnom licu, odnosno poslovnoj jedinici ukoliko subjekt aplicira putem poslovne jedinice, registrovanom **u okviru šifre djelatnosti C (10-33) – Prerađivačka industrija** (osim djelatnosti za koje je određeno da se poticajna sredstva ne dodjeljuju) iznosi **4.000,00 KM**, a maksimalan iznosi **40.000,00 KM**.

Minimalan iznos sredstava koji se može dodijeliti pravnom licu, odnosno poslovnoj jedinici ukoliko subjekt aplicira putem poslovne jedinice, registrovanom **u okviru šifri djelatnosti: 62. 01– Računarsko programiranje, 69.20–Računovodstvene, knjigovodstvene i revizijske djelatnosti; porezno savjetovanje, 71.12 – Inženjerske djelatnosti i s njima povezano tehničko savjetovanje, 74.10 – Specijaliziranje dizajnerske djelatnosti, 85.53 – Djelatnosti vozačkih škola i 95 – Popravak računara i predmeta za ličnu upotrebu i domaćinstvo**, iznosi **3.000,00 KM**, a maksimalan iznos **15.000,00 KM**.

Ukoliko podnosioci prijava podnose prijave za učešće na domaćim i međunarodnim sajmovima u svojstvu izlagača, minimalan iznos sredstava kojim se može dodijeliti iznosi **500,00 KM**, a maksimalan iznos **4.000,00 KM**.

V. NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV. ovog Javnog poziva namijenjena su za sufinansiranje **prihvatljivih troškova**:

- a) nabavka mašina, proizvodnih linija, uređaja i opreme (uključujući zavisne troškove: transport, špedicija, carinjenje, montaže, i dr.); nabavka ili izrada digitalnih rješenja u cilju automatizacije poslovnih procesa (softver i hardver), sve u funkciji osnovne djelatnosti;
- b) unutrašnjeg uređenja proizvodnog prostora uključujući (građevinske radove - podovi, pregrade, izolacija, elektroinstalacije i industrijska rasvjeta, ventilacija, grijanje, klimatizacija, protivpožarni i sigurnosni sistemi) – *(samo za djelatnosti prerađivačke industrije u okviru šifri djelatnosti za koje se dodjeljuju poticajna sredstva)*;
- c) postavljanje solarnih fotonaponskih sistema na krovovima proizvodnih objekata - hala radi proizvodnje električne energije iz sunčeve energije za vlastitu potrošnju, uključujući izradu projektne dokumentacije, nabavku i ugradnju solarnih panela i prateće opreme (inverteri, nosači, kablovi, ormari, zaštitna oprema i dr.) – *(samo za djelatnosti prerađivačke industrije u okviru šifri djelatnosti za koje se dodjeljuju poticajna sredstva)*;
- d) tehničko usklađivanje kroz uvođenje modernizacije i inovacije poslovnih procesa, uključujući uvođenje sistema međunarodnih standarda kvaliteta, odgovarajuće konsultantske usluge, edukacije za certificiranje sistema i proizvoda (CE znak), te stjecanje prava ili obnavljanje upotrebe standarda ISO, HACCP, HALAL i drugih međunarodnih standarda i
- e) učešće na domaćim i međunarodnim sajmovima kao izlagači, uključujući troškove zakupa sajamskog prostora, najma, uređenja i vođenje štanda, kao i troškove izrade i štampanja promotivnih materijala.

Sredstva iz tačke IV. ovog Javnog poziva, u okviru šifre djelatnosti 85.53 – Djelatnosti vozačkih škola, namijenjena su za **sufinansiranje prihvatljivih troškova: digitalizacija i softverska podrška** (nabavka edukativnih softvera i aplikacija za teorijsku nastavu), opremanje učionica - isključivo za subjekte koji imaju odobrenje za osposobljavanje kandidata za teorijski dio vozačkog ispita (interaktivne table, projektor, laptop, TV, računar i drugi tehnički uređaji), *simulatorski sistemi za obuku* (nabavka i održavanje simulatora vožnje za teorijsku i praktičnu nastavu), te servisiranje vozila (zamjena ulja i tečnosti za motor, filtera, kočionog sistema, klimatizacije) i nabavku opreme (set zimskih i/ili ljetnih guma sa oznakom DOT 26 isključivo za vozila u vlasništvu).

Utvrđeni troškovi sufinansiranja iz ove tačke moraju biti **isključivo** namijenjeni djelatnosti koju pravno lice ili poslovna jedinica obavlja.

Mašine, postrojenja i oprema koji se nabavljaju **ne smiju biti stariji od pet godina** od dana objave Javnog poziva.

Podnositelj prijave registrovan u okviru šifre djelatnosti C (10 – 33) – Prerađivačka industrija (osim djelatnosti za koje se ne dodjeljuju poticajna sredstva) može u Prijavnom obrascu iskazati potrebu za sve vrste sufinansiranja, pri čemu ukupan iznos koji traži od Ministarstva može biti maksimalno 40.000,00 KM.

Sredstva dodijeljena po predmetnoj mjeri mogu se koristiti isključivo za troškove direktno povezane sa obavljanjem pretežne djelatnosti subjekta. **Neprihvatljivi troškovi za koje se dodijeljena sredstva ne mogu koristiti su:** nabavka softvera koji nije dio projekta, izrada softvera od strane zaposlenika firme, troškovi izrade web stranice, repromaterijal, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, kao i nabavka mašina, postrojenja, usluga i opreme od lica koja nisu registrovana kao poslovni subjekti i koja spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije/novo za staro, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije dana objave Javnog poziva po ovom Programu (predračuni, računi i plaćanja starija od dana objave Javnog poziva) i svi ostali troškovi koji nisu u skladu sa namjenom projekta iskazanom u Prijavnom obrascu.

Ministarstvo će odobriti sredstva isključivo za troškove koji su opravdano potrebni za obavljanje pretežne djelatnosti subjekta i realizaciju ciljeva projekta, u skladu sa Prijavnim obrascem. Troškovi koji nisu opravdano povezani sa pretežnom djelatnošću ili projektom neće biti odobreni za sufinansiranje. Ukoliko prijava uključuje neprihvatljive troškove navedene u Prijavnom obrascu, izvršit će se umanjeње ukupne vrijednosti projekta za iznos tih troškova.

Rok za implementaciju projekta je najduže do 31.12.2026. godine, od dana zaključenja Ugovora o dodjeli sredstava.

Svako korištenje odobrenih sredstava suprotno namjeni utvrđenoj ovom tačkom smatra se nenamjenskim utroškom i podliježe obavezi povrata cjelokupnog iznosa sredstava dodijeljenih od strane Ministarstva.

Korisnici sredstava ne smiju prestati sa radom u periodu od najmanje **jedne godine** od dana zaključivanja Ugovora o dodjeli sredstava, u suprotnom su obavezni vratiti dodijeljena sredstva u cjelokupnom iznosu.

VI. KRITERIJI ZA IZBOR KORISNIKA

1. Broj zaposlenih;
2. Vrsta djelatnosti;
3. Ukupan broj zaposlenih iz ciljnih skupina (žene, mladi do 38 godina i osobe sa invaliditetom);
4. Vlastito učešće u ukupnoj vrijednosti projekta;
5. Zaključen ugovor subjekta male privrede sa obrazovnim institucijama o obavljanju praktične nastave i/ili ferijalne prakse;
6. Poslovanje subjekta male privrede u jedinicama lokalne samouprave;
7. Korisnik poticaja Ministarstva privrede u prethodne dvije godine (2024. i 2025. godina);

VII. PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba). Potpisom i ovjerom Prijavnog obrasca, podnositelj prijave daje saglasnost da će, u slučaju odobravanja sredstava, zaključiti Ugovor o dodjeli sredstava pod uslovima utvrđenim ovim Programom.

Uz Prijavni obrazac potrebno je dostaviti sljedeću dokumentaciju:

- a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi najmanje 40%) – za šifre djelatnosti C-Prerađivačka

industrija (osim djelatnosti za koje je određeno da se neće dodijeljivati poticajna sredstva) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio Programa**):

- b) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi najmanje 20%) – za šifre djelatnosti 69.20 – Računovodstvene, knjigovodstvene i revizijske djelatnosti; porezno savjetovanje, 71.12 – Inženjerske djelatnosti i s njima povezano tehničko savjetovanje, 74.10 – Specijalizirane dizajnerske djelatnosti, 85.53 – Djelatnosti vozačkih škola i 95 – Popravak računara i predmeta za ličnu upotrebu i domaćinstvo – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks III – koji je sastavni dio Programa**):
- c) Original aktualnog izvoda iz sudskog registra ne starijeg od tri mjeseca od dana objave Javnog poziva ili ovjerena kopija istog;
- d) Ovjerena kopija Uvjerenja o poreznoj registraciji (ID broj) (ovjera ne starija od tri mjeseca od dana objave Javnog poziva);
- e) Ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Zavod za statistiku Federacije BiH) (ovjera ne starija od tri mjeseca od dana objave Javnog poziva);
- f) Original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksu (ne starija od tri mjeseca od dana objave Javnog poziva);
- g) Original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od tri mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave; Kao validno se priznaje i postojeće uvjerenje izdano za prethodnu proceduru ili Javni poziv (npr. tender), pod uvjetom da nije starije od tri mjeseca od dana objave Javnog poziva i da je izdano od nadležnog organa;
- h) Kopija bilansa stanja i bilans uspjeha za 2025. godinu, sa pečatom prijema od strane Finansijsko-informatičke agencije (FIA);
- i) Original ili ovjerena kopija potvrde izdane od strane suda da se ne vodi stečajni ili likvidacioni postupak (ne starija od tri mjeseca od dana objave Javnog poziva);
- j) Original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva). Ukoliko pravno lice aplicira sa poslovnom jedinicom registriranom na različitoj adresi od osnovnog subjekta, dostavlja Listu osiguranika izdanu od strane Porezne uprave **za tu poslovnu jedinicu**;
- k) Ukoliko pravno lice aplicira sa poslovnom jedinicom registriranom na istoj adresi kao i osnovni subjekt, dostavlja:
- original ili ovjerenu kopiju Liste osiguranika izdanu od strane Porezne uprave (ne starija od 30 dana od dana objave Javnog poziva) za osnovni subjekat i
 - Izjavu o osiguranicima koji obavljaju poslove u poslovnoj jedinici sa Liste osiguranika osnovnog subjekta, potpisana i ovjerena od strane podnosioca prijave;
- l) Izjava podnosioca prijave o pripadnosti/nepripadnosti uposlenika sa Liste osiguranika ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca prijave (odnosno sa Izjave iz alineje k) ukoliko se prijava podnosi za poslovnu jedinicu koja je na istoj adresi kao i osnovni subjekt) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks IV – koji je sastavni dio Programa**):
- m) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks V – koji je sastavni dio Programa**):

- n) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda banke);
- o) Original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije);

Dostavljena ponuda ili predračun ne mogu biti stariji od dana objave Javnog poziva;

- p) Dokaz da je objekat na koji se postavljaju solarni paneli legalno izgrađen – ovjerena kopija pravosnažnog Odobrenja za građenje (dostavljaju samo subjekti koji u Prijavnom obrascu apliciraju za projekat postavljanje solarnih fotonaponskih sistema na krovovima proizvodnih objekata - hala, u skladu sa članom 9. stav (1) tačka c) Programa);
- q) Original ili ovjerena kopija potvrde/uvjerenja škole da subjekt male privrede ima zaključen ugovor o izvođenju praktične nastave za redovne učenike (dostavljaju samo subjekti koji imaju zaključen ugovor, nije obavezna dokumentacija);
- r) Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od tri mjeseca od dana objave Javnog poziva);
- s) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) **(Aneks VI – koji je sastavni dio Programa).**

Ukoliko se Prijavni obrazac podnosi za poslovnu jединicu, dokumente pod tačkom d) i e) treba dostaviti i za osnovni subjekt i za poslovnu jединicu, uz ostalu traženu dokumentaciju.

Prijave će biti odbijene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Subjekti male privrede – **pravna lica (društva sa ograničenom odgovornošću ili poslovne jединice ukoliko pravno lice aplicira putem poslovne jединice)**, mogu podnijeti samo jednu prijavu, kao osnovni subjekt **ili samo za jednu poslovnu jединicu.**

Podnosioc prijave može podnijeti samo jednu prijavu po ovoj mjeri, a isto tako ima pravo prijaviti se i na Javni poziv „Podrška subjektima male privrede za učenike na praktičnoj nastavi u školskoj 2025/2026 godini, ali isti nema pravo podnošenja prijave na Javni poziv ovog Ministarstva po Programu poticaja razvoja turizma za 2026. godinu.

U slučaju više prijave istog podnosioca, sve prijave će biti odbačene kao neosnovane i neće biti predmet daljeg razmatranja.

VIII. OBRADA PRIJAVA I IZBOR KORISNIKA

Za razmatranje prijave po Javnom pozivu za odabir korisnika sredstava po Programu poticaja razvoja male privrede za 2026. godinu za mjeru „Jačanje konkurentnosti subjekata male privrede – pravna lica“ ministrica Ministarstva privrede Rješenjem imenuje Komisiju.

Komisija ima zadatak, u skladu sa kriterijima i procedurama utvrđenim Programom, ovim Javnim pozivom i Pravilnikom o postupcima u provođenju Programa poticaja razvoja male privrede, broj: 06-02-6126-1/26 od 04.05.2026. godine, da :

- a) izvrši evaluaciju i bodovanje prijave;
- b) sačini Preliminarnu rang listu korisnika sredstava;
- c) sačini listu subjekata male privrede čije su prijave neblagovremene, nepotpune ili neosnovane te iste dostavi ministrici.

Po odobrenju ministrice, liste se objavljuju na web stranici Vlade Kantona: www.vladausk.ba.

Na objavljene liste subjekti male privrede imaju pravo prigovora, koji se podnosi Ministarstvu u pisanoj formi, u roku od osam dana od dana objave lista na web stranici Vlade Kantona.

Nakon isteka roka za podnošenje prigovora i odlučivanja po prigovorima, ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, u roku od osam dana od dana isteka roka za podnošenje prigovora. Vlada Kantona daje saglasnost na Konačnu rang listu i ista se objavljuje na web stranici Vlade Kantona.

Po dobivanju saglasnosti od Vlade Kantona na Konačnu rang listu korisnika sredstava Ministarstvo sa korisnicima sredstava zaključuje Ugovore o dodjeli sredstava, nakon čega će se sredstva doznačiti na transakcijske račune korisnika.

IX. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se u zatvorenoj kovrti, lično putem protokola Vlade Kantona ili preporučeno putem pošte, na adresu

**Ministarstvo privrede Unsko-sanskog kantona, Ul. Alije Đerzeleza br. 2, 77 000 Bihać,
s naznakom**

***Prijava na Javni poziv za odabir korisnika sredstava po Programu poticaja razvoja male privrede za 2026. godinu „Jačanje konkurentnosti subjekata male privrede – pravna lica“
„NE OTVARAJ“.***

Rok za podnošenje prijava je **30 dana** od dana posljednje objave Javnog poziva.

Neblagovremene prijave, dostavljene nakon isteka roka utvrđenog Javnim pozivom, neće se razmatrati i ne vraćaju se podnosiocima prijava.

X. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih, tako i dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Tokom projekta, korisniku se daje mogućnost da izvrši nabavku roba i usluga koje spadaju u kategoriju prihvatljivih troškova definisanih tačkom V. ovog Javnog poziva. Vrijednost dodatno nabavljenih roba i usluga ne može prelaziti 20% ukupne vrijednosti projekta definisane Ugovorom.

Rok za dostavu Izvještaja o utrošku finansijskih sredstava je **15 dana od dana isteka roka za implementaciju projekta**. Pravdanje će se vršiti sa odgovarajućom dokumentacijom koja se dostavlja ovom Ministarstvu, i to:

- a) Izvještaj o utrošku finansijskih sredstava – popunjen, potpisan i ovjeren od strane korisnika sredstava (**Aneks VII – koji je sastavni dio Programa**);
- b) Izjava o namjenskom utrošku sredstava ovjerena kod nadležnog gradskog/općinskog organa ili notara, propisana i dostupna na web stranici Vlade **Kantona (Aneks VIII – koji je sastavni dio Programa)**;
- c) Računi uz obavezan fiskalni račun (ukoliko postoji zakonska obaveza za izdavanje fiskalnog računa) – original ili ovjerena kopija kod nadležnog gradskog/općinskog organa, koji su u skladu sa predračunima/ponudama, dostavljenim uz prijavu na Javni poziv, uključujući i zavisne troškove. **Napomena:** Račun na kojem nije jasno vidljiva svaka specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. **Račun ne može biti stariji od dana potpisivanja Ugovora:**
- d) Izvod iz banke o realiziranom nalogu za plaćanje iz kojeg je vidljivo da je plaćanje prihvatljivih troškova izvršeno na osnovu predračuna dostavljenog pri prijavi na Javni poziv, odnosno računa dostavljenog pri pravdanju dodijeljenih sredstava;
- e) Fotodokumentacija – fotografije svake nabavljene stavke, printane u boji na A4 papir – ovjerena na poleđini pečatom podnosioca Izvještaja;
- f) Dokaz o puštanju u rad solarne elektrane od nadležnog organa ili zahtjev korisnika sredstava upućen nadležnom organu za puštanje u rad solarne elektrane, original ili ovjerena kopija kod nadležnog gradskog/općinskog organa (dostavljaju samo korisnici sredstava koji su potpisali

ugovor za projekat postavljanje solarnih fotonaponskih sistema na krovovima proizvodnih objekata – hala (u skladu sa članom 9. stav (1) tačka c) Programa);

g) Carinska deklaracija – ovjerena kopija kod nadležnog gradskog/općinskog organa (ukoliko se radi o uvozu opreme).

Kreditna sredstva, revolving kredit niti lizing ne mogu se priznati kao vlastito učešće korisnika sredstava za realizaciju projekta po ovom Programu.

Ministarstvo zadržava pravo traženja dodatne dokumentacije i pojašnjenja u vezi sa provjerom namjenskog utroška sredstava, pismenim ili usmenim putem.

Ministarstvo vrši nadzor namjenskog trošenja odobrenih sredstava na osnovu dostavljenih Izvještaja, a po potrebi i neposrednim nadzorom kod korisnika sredstava, koristeći valjane izvore verifikacije navedene u Prijavnom obrascu.

Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisanu proceduru za povrat dodijeljenih sredstava.

XI. OSTALO

Sredstva se dodjeljuju korisnicima u skladu sa Konačnom rang listom korisnika sredstava, do utroška sredstava predviđenih za implementaciju pojedinačne poticajne mjere.

Sredstva se dodjeljuju u obliku državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 300.000 EUR u tri uzastopne fiskalne godine, u skladu sa Zakonom o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbom o uslovima i postupku dodjele male vrijednosti – de minimis pomoć („Službene novine Federacije BiH“, broj: 22/25).

Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona, realizacija dodjele sredstava se obustavlja. Ministarstvo ne snosi troškove nastale u vezi sa prijavom na Javni poziv.

Korisnici sredstava koji po Programima poticaja razvoja male privrede imaju obavezu povrata sredstava, imaju pravo apliciranja na Javni poziv predviđen Programom, pod uslovom da izvrše svoju obavezu do dana zatvaranja ovog Javnog poziva.

Aneksi od rednog broja I do VIII čine sastavni dio ovog Javnog poziva, propisani su za predmetnu mjeru i dostupni su na web stranici Vlade Kantona: www.vladausk.ba.

Uz ovaj Javni poziv objavljuje se Program poticaja razvoja male privrede za 2026. godinu, dostupan na web stranici Vlade Kantona: www.vladausk.ba, te čini njegov sastavni dio, a ovim Javnim pozivom provodi se mjera „Jačanje konkurentnosti subjekata male privrede-pravnih lica“ iz navedenog Programa.

Sve dodatne informacije vezane za Javni poziv mogu se dobiti putem telefona: 037/316-038 i 037/316-039 ili putem e – maila privreda@vladausk.ba.

Broj: 06-11- 5452-6/2026
Bihać, 12.5.2026. godine



MINISTRICA
Samra Mehic, scr.